

Udako Euskal Unibertsitateko  ikastaroak Baionan

22. UEU atzo hasi zen Baionan


Iparralderako unibertsitate baten beharra aipatu zen sarrera hitzaldian

Mixel Bidegainen demostrazio indartsuarekin, Ipar Euskal Herrian unibertsitate baten behar premiazkoaren aldarrikapenarekin hasi zen atzo 22. Udako Euskal Unibertsitatea, ikasleen partaidetza ohizkoa baino handiagoa dela. Ikasleen eta irakasleen formakuntzarako gai aberasgarri asko zehaztuko dira ostiralera bitartean.

L. ETXEHARRETA / BAIONA

Eduarne Alegria, Iparraldeko UEUko koordinatzaileak eman zion hasiera 22. UEUri, Iparraldeko hamargarrena a denari, Seaskaren 25. urteurrena aipatuz eta goresmenak azalduz eta bere ustea agertuz, «unibertsitate euskaldun bat eraikiko dugu». Ondoren Kepa Altonaga, Euskal Herriko UEUko zuzendariak ekitaldia zabalik zela deklaratu zuen hitza Mixel Bidegaini eman aurretik.

Baionako IUT Fakultatean irakasle denak gaia zehazki biribildu zuen, analisi zorrotzak azalduz eta Iparraldean unibertsitate baten beharra premiazkoa dela demostratuz. «Abertzaleen gogoetearik, lurralde instituzio baten beharretik eta euskararen onespentetik» datorren gaia zela agertu zuen. Azaldu zuenez «duela 20 urte arte axola gutxi zen formakuntzaz baina orain hiri eta lurralde ertainak formakuntza inbertsio bat dela konturatu dira». «Gaur egun lurralde dinamiko guztiek unibertsitate dinamiko bat daukate».



Kepa Altonaga buruaren hitzekin hasi ziren UEUko ikastaroak.

L. E.

Iparraldeko hautetsien «nahikunde politiko eza», «beharraren ez sentitzea» eta «uzkurtasuna» azpimarratu zituen. Hargatik hauek «giltzak eskuan» dituztela zioen, zeren «Parisen inor ez baita mugituko gure alde».

Baionako poloaren inguruan 300.000 biztanle izanez eta jakinez mila laguneko 30 ikasle badirela gaur Frantzia, 9.000 omen dira gai Baionan egoteko. Aldiz, une honetan 2.000 baino gutxiago dira eta 7.000k kanpora joan behar dute. Jakinez «hobereak kanpora doaz eta maiz han egoten», bestalde «diru transferentzia inportanteak galtzen dira» eta «zortzi ikaslek lanpostu

✓ Unibertsitate propioari buruz Iparraldeko hautetsiek duten «nahikunde politiko eza» azpimarratu zuen Bidegainek.

bat sortzen dute», unibertsitatearen eskasak egoeraren larritzea ekartzen duela nabaritu zuen.

Bidegainen hitzetan «ekonomiaren eta Unibertsitatearen arteko sinergia berriak» guztiz

premiakoa agertu dira. Modu berean, «ekarpen kulturalak» aipatu zituen, Unibertsitateak sortzen duen «analisi askatasuna» edo «gizartearen gune aberasgarria jakitateen konfrontazioetarik etorria». Bistan da ere, euskarari buruzko funtsa premiazkoa duela Unibertsitateak azpimarratu zuen. Doi bat ilun agertu zen azkenik gaurko egoeraz «EAE, Nafarroa eta Akitaniaren harremanak gure gainetik pasatzen direlako» eta lehenbailehen gauzen aldatzera deitu zuen. Duen esperantza ere agertu zuen «gizarte indarrekilako partaidetzarekin Unibertsitatea eraikitzen ahaliko delakotz».

Demografia historiaren giltza premiazkoa

L. E. / BAIONA

Iparraldeko Historia eta Geografia ikertuko dira aurtengo UEUko ikastaroetan. Atzo goizeko lehen mintegian Manex Goienetxe historilariak 'Ipar Euskal Herriko erregimen zahar garaik demografia' ikerkuntzarako metodo nagusietarik dela aipatu zuen.

XX. mendean, batez ere Frantziako historiari buruzko eskola obra nagusi batzuen ildotik, demografiak tokia premiazkoa hartua du. L. Roy Ladurieren obrak sarri horretan erreferentzia bilatzen katu dira. Iparraldeko XVII eta XVIII. mendeetako Aro Modernoan egin daitezkeen lanak zehaztu ditu.

«Demografiaren atzean beti atzematen da gizarte baten zioen Goienetxek, «jendaren mentalitatea». Demografiaren ikertzeko «badiatresna erabilerrazak» zioen eta horiek aurkeztu zituen «Iparraldeko historia demografikoa egiteko da oraindik eta dei bat zabaldu zuen hori buruz interesa dadin jendea «ekipo baten egitera» deituz.

Demografiak historiako gune inportanteak agertzen ditu, ezkontza, sortze eta heriotza tauletarik. «Aldaketak, bilakaerak, noizean behin heriotza handiak» agertzen dira. Horien interpretazioak lantzen ditu demografiak. Aro Modernoan, «oinarriko janariaren inportantzia» nabaritzen dela demostratu zuen atzo. Artoa, ogia bihikiak ziren oinarriak «berhere aldeetan» eta mendietan gaztainak.

ZEZENAK

HARRAPA EZ ZAITZAN

Sanferminen gaineko gehigarri berezia BIHAR

Egunkaria

